



ხაშურის მუნიციპალიტეტის საკრებულოს

განკარგულება № 93

2011 წლის 22 ივლისი

ქალაქი ხაშური

არასამეწარმეო (არაკომერციული) იურიდიული პირის - „ხაშურის მუნიციპალიტეტის საბიბლიოთეკო გაერთიანების“ სახელწოდების შეცვლისა და წესდების ახალი რედაქციით დამტკიცების თაობაზე

„ადგილობრივი თვითმმართველობის შესახებ“ საქართველოს ორგანული კანონის 43-ე მუხლის მე-3 პუნქტის „ბ“ ქვეპუნქტის საფუძველზე,

1. არასამეწარმეო (არაკომერციული) იურიდიულ პირს „ხაშურის მუნიციპალიტეტის საბიბლიოთეკო გაერთიანებას“ შეეცვალოს სახელწოდება და ეწოდოს არასამეწარმეო (არაკომერციული) იურიდიული პირი „ხაშურის მუნიციპალიტეტის ბიბლიოთეკა“.

2. დამტკიცდეს არასამეწარმეო (არაკომერციული) იურიდიული პირის „ხაშურის მუნიციპალიტეტის ბიბლიოთეკის“ წესდება ახალი რედაქციით (დანართი #1).

3. დავალოს ხაშურის მუნიციპალიტეტის გამგეობას უზრუნველყოს კანონმდებლობით გათვალისწინებული ზომების განხორციელება, რაც დაკავშირებულია არასამეწარმეო (არაკომერციული) იურიდიული პირის - „ხაშურის მუნიციპალიტეტის ბიბლიოთეკის“ ცვლილებების რეგისტრაციისათვის.

4. ეს განკარგულება ძალაში შევიდეს ხელმოწერისთანავე.

5. ამ განკარგულების გასაჩივრება შესაძლებელია მისი გაცნობის დღიდან ერთი თვის განმავლობაში სარჩელის წარდგენის გზით ხაშურის რაიონულ სასამართლოში (მისამართი ხაშური, კოსტავას ქ. №15).

საკრებულოს თავმჯდომარე  დავით ლომიძე



არასამეწარმეო (არაკომერციული) იურიდიული პირი - „ხაშურის მუნიციპალიტეტის ბიბლიოთეკის“ წესდება

მუხლი 1. ზოგადი დებულებანი

1. არასამეწარმეო (არაკომერციული) იურიდიული პირი - „ქალაქ ხაშურის მუნიციპალიტეტის ბიბლიოთეკა“ (შემდგომში არასამეწარმეო (არაკომერციული) იურიდიული პირი) არის არასამეწარმეო (არაკომერციული) იურიდიული პირი, რომელიც მოქმედებს საქართველოს კონსტიტუციის, კანონმდებლობისა და წინამდებარე წესდების შესაბამისად.
2. არასამეწარმეო (არაკომერციული) იურიდიული პირის ორგანიზაციულ - სამართლებრივი ფორმაა არასამეწარმეო (არაკომერციული) იურიდიული პირი.
3. არასამეწარმეო (არაკომერციული) იურიდიული პირი თავისი მიზნებიდან გამომდინარე მოქმედებს საქართველოს მთელ ტერიტორიაზე, ასევე მის ფარგლებს გარეთ.
4. არასამეწარმეო (არაკომერციული) იურიდიული პირს აქვს ბეჭედი, შტამპი, ანგარიშწორებისა და სხვა სახის ანგარიშები სათანადო დაწესებულებებში.
5. არასამეწარმეო (არაკომერციული) იურიდიული პირი შექმნილია განუსაზღვრელი ვადით.
6. არასამეწარმეო (არაკომერციული) იურიდიული პირის სრული სახელწოდებაა არასამეწარმეო (არაკომერციული) იურიდიული პირი - „ქალაქ ხაშურის მუნიციპალიტეტის ბიბლიოთეკა“.
7. არასამეწარმეო (არაკომერციული) იურიდიული პირის იურიდიული მისამართია საქართველო ხაშური, ძნელაძის ქ. #10
8. არასამეწარმეო (არაკომერციული) იურიდიული პირის დამფუძნებელია ხაშურის მუნიციპალიტეტის საკრებულო - მისამართი საქართველო ხაშური, ტაბიძის ქ.#2.

მუხლი 2. არასამეწარმეო (არაკომერციული) იურიდიული პირის მიზნები და ამოცანები

1. არასამეწარმეო (არაკომერციული) იურიდიული პირის მიზანია ინტელექტუალური დონის ამაღლება მოსახლეობაში.
2. თავისი მიზნების განსახორციელებლად არასამეწარმეო (არაკომერციული) იურიდიული პირი კანონით დადგენილი წესით:
 - ა) ამყარებს პარტნიორულ ურთიერთობებს ადგილობრივ და უცხოურ ორგანიზაციებთან.
 - ბ) ფლობს, იძენს და განკარგავს ქონებას.
 - გ) შეიძლება იყოს მოსარჩელე და მოპასუხე სასამართლოში, საარბიტრაჟო სასამართლოში;
3. არასამეწარმეო (არაკომერციული) იურიდიული პირს შეუძლია განახორციელოს სამეწარმეო საქმიანობა, რაც არ იკრძალება საქართველოს კანონმდებლობით, ატარებს დამხმარე

ხასიათს, საქმიანობიდან მოგება უნდა მოხმარდეს არასამეწარმეო (არაკომერციული) იურიდიული პირის მიზნების განხორციელებას.

მუხლი 3. არასამეწარმეო (არაკომერციული) იურიდიული პირის მმართველი ორგანოები

1. არასამეწარმეო (არაკომერციული) იურიდიული პირს ხელმძღვანელობს დირექტორი (შემდგომში დირექტორი), რომელსაც ნიშნავს ხაშურის მუნიციპალიტეტის გამგებელი.

2. დირექტორი:

ა) ხელმძღვანელობს და წარმართავს არასამეწარმეო (არაკომერციული) იურიდიული პირის საქმიანობას, საწესდებო მიზნების მისაღწევად;

ბ) ხელს აწერს არასამეწარმეო (არაკომერციული) იურიდიული პირის ოფიციალურ, მათ შორის ფინანსურ დოკუმენტებს;

გ) წარმოადგენს არასამეწარმეო (არაკომერციული) იურიდიულ პირს სხვა პირებთან ურთიერთობაში;

დ) ახორციელებს არასამეწარმეო (არაკომერციული) იურიდიული პირის ფინანსური სახსრებისა და სხვა მატერიალური ქონების ოპერატიულ მართვას და პასუხისმგებელია მათ სწორ გამოყენებაზე გამგებლის წინაშე.

ე) გამგებელთან შეთანხმებით ამტკიცებს არასამეწარმეო (არაკომერციული) იურიდიული პირის შინაგანაწესს და სხვა არასამეწარმეო (არაკომერციული) იურიდიული პირის მართვისათვის საჭირო დებულებებს, საშტატო ნუსხას, სამუშაოზე იღებს და ათავისუფლებს არასამეწარმეო (არაკომერციული) იურიდიული პირის მომსახურე პერსონალს.

ვ) ასრულებს ამ წესდებით მასზე დაკისრებულ მოვალეობებს და კანონით აუკრძალავ სხვა ფუნქციებს.

ზ) ქმნის და აუქმებს არასამეწარმეო (არაკომერციული) იურიდიული პირის სტრუქტურულ ერთეულებს.

3. დირექტორი თავისი უფლებამოსილების შესასრულებლად გამოსცემს ბრძანებებს.

4. დირექტორის არყოფნის შემთხვევაში, გამგებელთან შეთანხმებით, დირექტორის დავალებით, მის უფლება-მოვალეობებს ახორციელებს არასამეწარმეო (არაკომერციული) იურიდიული პირის ერთ-ერთი თანამშრომელი.

5. დირექტორის უფლებამოსილების ვადამდე შეწყვეტა მის მიერ წესდებით განსაზღვრული მოვალეობის შეუსრულებლობისათვის, უფლებამოსილების გადამეტების ან არასამეწარმეო (არაკომერციული) იურიდიული პირის საწესდებო მიზნებთან შეუსაბამო საქციელისათვის შეუძლია გამგებელს. ასეთ შემთხვევაში ერთი თვის ვადაში ინიშნება არასამეწარმეო (არაკომერციული) იურიდიული პირის ახალი დირექტორი.

მუხლი 4. არასამეწარმეო (არაკომერციული) იურიდიული პირის ქონება

1. არასამეწარმეო (არაკომერციული) იურიდიული პირს შეიძლება საკუთრებაში ჰქონდეს შენობები, ნაგებობები, სატრანსპორტო საშუალებები, ფულადი აქციები და მოძრავი ქონება რაც

ესაჭიროება არასამეწარმეო (არაკომერციული) იურიდიულ პირს თავისი საქმიანობის განსახორციელებლად;

2. არასამეწარმეო (არაკომერციული) იურიდიული პირის ქონება იქმნება შემოწირულობებისაგან, აგრეთვე კანონმდებლობით ნებადართული სხვა შემოსავლებიდან.

მუხლი 5. არასამეწარმეო (არაკომერციული) იურიდიული პირის საქმიანობის შეწყვეტა

არასამეწარმეო (არაკომერციული) იურიდიული პირის ლიკვიდაცია და ლიკვიდაციის შედეგად დარჩენილი ქონების განაწილება ხდება საქართველოს კანონმდებლობით დადგენილი წესით;

მუხლი 6. დამფუძნებელი

„ხაშურის მუნიციპალიტეტის საკრებულო“ საიდენტიფიკაციო კოდი 243908848

„ხაშურის მუნიციპალიტეტის გამგეობა“
ხაშურის მუნიციპალიტეტის გამგებელი

მამუკა მოსიაშვილი _____